

# Олн-ämtнä ик байр

Звэрннэ зньр социалистическ Тöрсннәнн олн äмтстэгьдн хамдан, эл-хр өдр, мана республикин цуг күүч-көлсчир, Алдр Октябрьск социалистическ революцин 41-ч өбниг, ик байр бахин өдр гидж, темдглдмжцхәнә.

1958 джил, мана республикин тускд, йир ик элдү гидг ончта джил болв. Оньгрсн джилин эргцд мана республик звэрннэ эдл-ахугьан болн культуран улм өөдлүлдж, өслтин батта хаалгьар уралан йовв.

1958 джил Хальмг таньгьч СССР-н Деед Советин Указар автономн республикд хүврэгдлә.

Цуг эн тоот йовдлмуд мана республикин күүч-көлсчирин омгинь, седкл-ухагьинь, көдлмшиннэ урмдинь икәр өөдлүлә.

Алдр Октябрин 41-ч джилин өөнд мана республикин промышленн пред-приятьс, РТС-с, загьсна промышленность, мана колхозмуд болн совхозмуд, несн, күүцәсн көдлмштән шинәс кесг диилврмүд бәрцхәсн, эн иим туургсн нертә өдрмүдиг үнн гол седкләсн байрлдж тосджацхана.

Звэрннэ гарсн-тöрсн газрурн ода деерән 60 гар миньгьн хальмгуд нүү-бәд ирцхәкисн, цугьар бәәршәд батрад азчкв. Эдн звэрннэ республикиннэ эдл-аху болн культур өөдлүлгьнд, наадк цуг хамг көдлмш келгьнд мел түрүн ирсн өдрәсн авн гилтә орлцхав.

Оньгрсн хойр джилин эргцд тосхлтин көдлмш ик гидгәр гүддж делгрв. Бийдән онц-онц улс гермүд бәрдж авлгьнднэ болн мал хулддж авлгьнднэ дөнө-нөкд болхин эркд эн хойр джилин саамд государств 68 сай арслнэ мөньг гаргьдж өгв. Тер саамд онц-онц äмтст 4255 шин гермүд тосхгдв, дуусгдад уга, ода бийнэ кегдә бәәх 2205 гермүд бәәнә. Тöрсн газрурн нүүддж ирцхәсн хальмг өрк-бүлмүд 8372 үкр хулдад авцхәкисн бәәнә.

Тосхлтин көдлмш бәәрн газрумудар нег үлү делгүгьәр, нег үлү хурдар күүцәгдх зөвтә бәәсмн. Äмтн бәәх болн производственн гермүд тосхлгьнд нерәддж республикин совхозмудт 81 сай арслнэ мөньгн гаргьгддж өггд-смн.

Хальмг нелн äмтсин тускар Партин болн Правительствин үзүләд бәәдг ач-тусинь йир немджәлдж нелдж болшго. Оньгрсн джилмүдин эргцд республикин селәнә эдл-ахун халхар ик олн техник ордж ирв. Эн саамд ордж ирснә: 983 трактор, 680 комбайн, 354 автомашин, селәнә эдл-ахун нань чигн кесг олн зүсн машид ирв.

Кезәнә энлджәсн хагсу тег ода усар девтх цагнэ ирв. Усн гисн — äмн. Усн угагьар әмд бәәдж болшго. Ода Черноземельскүр ус оруллгьн кегд-джәнә. Оля-Каспийск, Сарпинск, Терск-Кумск, Кумск-Маньческ каналмуд тосхгддмжцхана. Чограйск ус хуралгьна нур кех, түүг тосхх, белдврин көдлмшнэ экләд кегдджәнә.

Нег цөбөнн джиләс Хальмгин тег оньгдардж одх зөвтә. Ганьгта, хагсу теегүр, асхрсн элсн заагур, джиньгл киитн уснэ джирджннәд гүүх ца-гнэ, шавшгсн шалу сәәхн ногьань савидж инәр ургьх — тиим цагнэ ир-нэ мел лавта.

Коммунистическ партин килмджәр, күүнә гарин звәр көдә болсн, урднэ олн джилд ургьц өглго йовсн, хагсу тег ода оньгдарв, зүсән сольв.

Эн джилин диг-дарагьар болхла, республикин шуд ганцхн совхозмудин бийснэ даньгьар 25 сай арслнэ мөньгнә ору өгцхәхмн. Эн йовдл мана республикд урднэ соньсгдад уга йовдл. Эн джил государствд 11 сай 300 миньгьн пуд буудя орулдж өгвдн, 111 миньгьн гектар газрт эрдни-шишә тәргдлә, малдан 590 миньгьн тонн өвс, 368 миньгьн тонн силос белдвдн.

Цугсоюзин Селәнә Эдл-ахун Гәәхүлд республикмдн негдгч девсньгин диплом авб.

Цуг эн тоот күүчтә диилвр.

Эндр иим ик байрта өдрлә эн тоотан темдглхләрн, бидн энүгәрн бардм кехәр седднәхшивдн. Несн, күүцәсән темдглхлә, күүнд омг ордг. Тер тө-ләд келгдджәнә.

Республикиннэ шин өөдлтин төлә! Эдл-ахуннэ болн культуриннэ хур-дн делгрлтин төлә!

Мандлгсн коммунизмүр, уралан!